

Sukan

Raikan keupayaan luar biasa



Sukan Para Asean ke-8 diadakan di Singapura buat julung-julung kali dari 3 hingga 9 Disember ini. Lebih 3,000 atlit dan pegawai sukan akan bertanding ke Kota Singa bagi mengambil bahagian dalam acara sukan kurang upaya terbesar rantau ini dan antara pesta penutup bagi sambutan ulang tahun ke-50 Singapura (SG50).

Teks: Norman Sawi (normans@sph.com.sg) Foto-foto: M.O. Salleh, Taufik A. Kader, Tukiman Warji dan Khalid Baba

4 Hari lagi

10
Negara

3,000
Atlit & Pegawai

4,300
Sukarelawan

15
Sukan

500
Acara

Manah•Atletik•Badminton•Boccia•Catur•Bola Cerebral Palsy•Bola Sepak 5 Sepasuk•Goalball
•Angkat Berat•Sukan Layar•Menembak•Renang•Tenis Meja•Bowling 10 Pin•Bola Keranjang Berkerusi Roda



SEDA BERJUANG: Kontinen Team Singapore bergambar bersama di acara awam di Promontory, Marina Bay pada 14 November. Foto: THE STRAITS TIMES

SAATNYA hampir tiba. Setiap titisan keringat; setiap renik air mata dan setiap saat yang diluangkan di gelanggang latihan akhirnya akan menjadi saksi ketabahan dan tekad atlit yang telah bertengkus lumus membuat persediaan bagi acara ini.

Empat hari sebelum Sukan Para Asean (APG) ke-8 bermula, atlit Team Singapore kini berada dalam fasa terakhir persiapan masing-masing bagi acara yang berlangsung dari Khamis hingga 9 Disember ini.

Di edisi ketujuh temasya sukan ini di Myanmar tahun lalu, Team Singapore yang diwakili 52 atlit membawa pulang tujuh pingat emas, 10 perak dan sembilan gangsa selepas bertanding dalam lima acara.

Kali ini, Singapura berwakil dalam kesemua 15 sukan yang ditawarkan. Walau kemenangan yang diukur masa dan mata menjadi buruan kesemua 157 atlit setempat yang akan bertanding – kontinen Team Singapore terbesar dalam sejarah – matlamat lebih besar terperhat di jiwa masing-masing.

Mereka dambakan warisan melebihi pingat dan rekod daripada temasya sukan bagi atlit kurang upaya ini. Mereka berharap agar pertunjukan mereka akan ‘membuka mata’ dan meningkatkan kesedaran awam tentang cabaran harian yang dihadapi bukan sahaja atlit kurang upaya, malah insan kurang upaya lain dalam melaksanakan tugas-tugas harian.

Kapten pasukan bola sepak cerebral palsy Singapura Khairul Anwar Kasmani berharap APG yang singgah ke Singapura buat julung-julung kali ini boleh

menunjukkan bahawa atlit kurang upaya juga layak diberi layanan serupa atlit berkeupayaan normal. “Kami juga berlatih dan mencurahkan keringat demi negara.

“Kami tidak meminta layanan istimewa... hanya yang setara,” katanya.

Bersependapat perenang lemah otot Yip Pin Xiu yang mencatat sejarah memenangi pingat emas pertama Singapura di Sukan Paralimpik Beijing 2008 – bagi acara kuak lengkap 50 meter – berkata atlit kurang upaya juga menyumbang kepada arena sukan Singapura.

Sementara itu, Singapura turut mengharapkan warisan yang berkekalan daripada APG yang menelan belanja sekitar \$75 juta untuk diadakan ini.

Bercakap di perkhemanan Team Singapore baru-baru ini, Menteri Kebudayaan, Masyarakat dan Belia, Cik Grace Fu, berkata APG menandakan fasa baru dalam sukan kurang upaya setempat dan kesannya tidak berakhir di upacara penutup.

Tiada bayaran dikenakan untuk menonton aksi temasya sukan serantau ini dan ia juga diadakan semasa cuti sekolah akhir tahun.

Bermula di upacara pembukaan di Stadium Negara Khamis nanti, warga Singapura tiada alasan tidak mengambil bahagian mencorak fasa baru ini, memberi sokongan padu kepada atlit yang menunjukkan keupayaan luar biasa.




BOLA KERANJANG BERKERUSI RODA: Kamas Mohd (kiri) dan Suhaimi Pa'in ghairah mahu tunjuk keupayaan di gelanggang bulan depan.



MEMAHAN: (Dari kiri) Kevin Wong, Nur Syahidah Alim dan Robert Fuchs tekun dalam latihan baru-baru ini.



ATLETIK: Pasukan atletik negara berharap bimbingan bekas pelari pecut nasional Muhamad Hosni Muhamad akan memberi faedah di balapan.



TENIS MEJA: Pasukan tenis meja berharap dapat meraih kejayaan serupa pasukan tenis meja nasional di Sukan Asia Tenggara (SEA) Jun lalu.




GOALBALL: Norliana Mohamed Ajam berharap dapat menunjukkan bakat terpendam di hadapan penonton setempat.



BOLA SEPAK CP: Selepas memenangi pingat perak di Myanmar tahun lalu, pasukan bola sepak CP negara berharap dapat memenangi emas kali ini.

Lokasi acara di APG 2015



GOALBALL: Norliana Mohamed Ajam berharap dapat menunjukkan bakat terpendam di hadapan penonton setempat.

BOLA SEPAK CP: Selepas memenangi pingat perak di Myanmar tahun lalu, pasukan bola sepak CP negara berharap dapat memenangi emas kali ini.